



Inatsisartunut ilaasortaq Sara Olsvig, Inuit Ataqtigiit
MAANI

**§ 37 naapertorlugu Aatsitassarsiornermi suliassat pillugit apeqqummut 2014-088-
imut akissuteqaat**

Inatsisartut suleriaasianni § 37 imm. 1 naapertorlugu aatsitassarsiornermi suliassat
assigiinngitsut aamma Maniitsumi aluminiumik aatsiterivissaq pillugit Naalakkersuisunut
apeqquteqarputit.

16.april 2014
Sagsnr. 2014-098245
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

**1) Aatsitassarsiornermi suliniutinut tunngatillugu sumiiffinni matuma
kingulianiittuni misissuinissanut akuersissutinik qanga tunniussisoqarpa:**

- a) Isukasiani saviminissarsiorfimmur
- b) Nalunami kuultisiorfimmur
- c) Qeqertarsuatsiaani rubiinisorfimmur
- d) Kuannersuarni qaqutigoortunik saffiugassarsiorfimmur uranisorfimmullu
- e) Killavaani qaqutigoortunik saffiugassarsiorfimmur

Akissut:

a) Isukasiani saviminissarsiorfimmur

Isukasiani saviminissaqarfik 1965 kryolitselskabet Øresund-imit 1965-imi
nassaarineqarpoq, tamatumalu kingorna Marcona Corporation-imit (1971-imiit) aamma
Rio Tinto-mit (1995-imiit) misissuiffiqeqartarsimalluni.

2004-imi ingerlatseqatigiiffik Hammersmyth Management Ltd sumiiffimmur
misissuinissamur akuersissummik 2004/18-imit tunineqarpoq. Misissuineq tunineqarpoq
aammalu 2006-imi London Mining Plc.-imur tunniunneqarluni aamma 2009-imi
akuersissut nutaamik normoqalerluni; 2009/16. Isukasia piiaanissamur akuersissut
London Mining Greenland A/S-imit pigineqarpoq aammalu akuersissutip normoralugu
2013/31. Piiaanissamur akuersissut sumiiffiup misissuinissamur akuersissummi
2009/16-imi pineqartunut ilaasup iluani tunniunneqarpoq.

b) Nalunami kuultisiorfimmur

Nalunap eqqaani sumiiffimmi ujarassiornikkur misissuinerit aatsaat 1954-imi
aallartinneqarput, tamatumalu kingorna ingerlatseqatigiiffiit sullissiviillu ataanni
ingerlaavartumik ingerlanneqarlutik. Taamaalilluni Kalaallit Nunaata Ujarassiornikkur
Misissuisarfia, Platinova-Goulder, Nanortalik Minerals aamma Nunaoil sumiiffimmi
suliaqarsimappur, kingulliullugu taaneqartup tamatuma saniatigut CyprusMinerals
aamma Mindex suleqatigalugit.

80-ikkut naalerneranniit sumiiffimmi aallussineq pingaartumik kuultimut sammitinneqarpoq aammalu Nunaoil misissuinissamut akuersissutini 01/1992, 27/1992 aamma 04/1997 annertuumik suliaqartuuvoq. NunaOil 1998-imi NunaOil-imut aamma NunaMinerals A/S-imut aggulunneqarpoq aammalu kingulliullugu taaneqartup Mindex, 1999-imi Canadameersumut Crew Development Corporation-imut kattunneqartoq peqatigalugu sumiiffimmi suliaqarnini ingerlatiinnarpaa. Ingerlatseqatigiiffiit ataatsimoorlutik pigisaat ingerlatseqatigiiffik Nalunaq Gold Mine A/S, ulloq 24/4-2003 pīaanissamut akuersissummik tunineqarpoq.

2009-imi pīaanissamut akuersissut tuneqqinneqarpoq aammalu Angel Mining (Gold) A/S-imut tunniunneqarluni. Angel Mining-ip tamatuma kingorna aatsitassarsiorfik 2013-ip tungaanut ingerlappaa, tassani ingerlatseqatigiiffiup Aatsitassanut Ikummatissanullu Aqutsisoqarfik nalunaarfialugu tunisassiorneq unitsinneqartoq aammalu aatsitassarsiorfik matuneqartoq.

c) Qeqertarsuatsiaani rubiinisiorfimmu

Ingerlatseqatigiiffik True North Gems Greenland A/S 2014-imi marsimi Qeqertarsuatsiaat eqqaanni korund-imik peqarfimmu pīaanissamut akuersissummik tunineqarpoq. Sumiiffik akuersissuteqarfiusoq misissuinissamut akuersissummit 2008/46-imit True North Gems Inc.-imit (TNG) pigineqartumit immikkoortinneqarpoq. TNG-ip akuersissut taanna 2008-imi ingerlatseqatigiiffimmit Brereton Engineering & Development Ltd.-imit, 2003-imi misissuinissamut akuersissummik tunineqaqqaartumit, taamanikkut akuersissut normoqartoq 2003/03 tiguaa.

d) "Kuannersuarni qaqutigootunik saffiugassarsiorfimmu uranisiorfimmullu"

Kuannersuarni misissuinissamut akuersissut ingerlatseqatigiiffimmu Rimbald Pty Ltd.-imut 2005-imi akuersissutip normuani 2005/17 tunniunneqaqqaarpoq. Misissuinissamut akuersissut 2005/17, 2007-imi misissuinissamut akuersissutinut nutaanut marlunnu avinneqarpoq, tassalu 2005/28 aamma 2005/29, marluk taakkua tamarmik ingerlatseqatigiiffimmu Rimbald Pty Ltd.-imut tunniunneqarlutik. 2008-imi juunimi misissuinissamut akuersissut 2005/28 ingerlatseqatigiiffimmu Greenland Minerals and Energy (Trading) A/S-imut tunniunneqarpoq. Greenland Minerals and Energy (Trading) A/S 2010-imi aprillimi Kuannersuarni misissuinissamut akuersissut sivitsortippaa, akuersissutip normoralugu 2010/02.

e) "Killavaani qaqutigootunik saffiugassarsiorfimmu"

Misissuinissamut akuersissutit atermik "Killavaat"-nik imaqtut marluupput, pissutigalugu taakkua nunami sumiiffimmi imminnut qanittuaraallutik inissisimagamik. Marluk taakkua matuma kinguliani ilanngunneqarput:

"Killavaat Alannguanni" misissuinissamut akuersissut ingerlatseqatigiiffimmu Rimbald Pty Ltd.-imut tunniunneqaqqaarpoq, akuersissut normoqarluni 2001/08. Misissuinissamut akuersissutip 2001/08-ip ukioq 5-imiit ukioq 6-imut sivitsorneqarnerani, akuersissutip normua 2006/04-imut allanngorpoq. 2011-imi juunimi misissuinissamut akuersissut 2006/04 Rimbald Pty Ltd.-imiit ingerlatseqatigiiffimmu Tanbreez Mining Greenland A/S-imut tunniunneqarpoq.

"Killavaat"-ni misissuinissamut akuersissut ingerlatseqatigiiffimmut Greenland Minerals and Energy Ltd.-imut i maj 2011-imi maajimi tunniunneqarpoq, akuersissut normoqarluni 2011/27.

2) Aatsitassarsiornermi suliniutinut qulaani taaneqartunut tunngatillugu misissuinissamut akuersissutissat qanga Namminersorlutik Oqartussat aatsitassarsiornermilu ingerlatseqatigiiffiit akornanni isumaqatiginninniutigineqalerpat?

Akissut:

Akuersissummik aatsitassanik misissuinissamut tunineqarnissamut, ingerlatseqatigiiffiit qinnuteqarnermi suleriaaseq aalajangersimalluinnartoq malittussaavaat. Qinnuteqarnermi suleriaaseq allakkiami "Kalaallit Nunaanni aatsitassanik misissuinissamut aamma misissueqqaarnissamut akuersissutinut qinnuteqarnermi suleriaaseq aamma atugassarititaasut nalinginnaasut" takuneqarsinnaavoq, taannalu Aatsitassanut oqartussaasup nittartagaani nassaarineqarsinnaavoq.

Aatsitassanut oqartussaasup qinnuteqaatit suleriaaseq aalajangersimasoq malillugu suliarisarpai aammalu aalajangernissamut isummernissamut tunngavissiamik Naalakkersuisunut saqqummiunneqartussamik piareersaarluni.

Aatsitassanut misissuinissamut akuersissutit aallaaviatigut atugassarititaasut nalinginnaasut tunngavigalugit tunniunneqartarput. Akuersissummumut atugassarititaasut taamaattumik aallaaviatigut ingerlatseqatigiiffinnut tamaginnut, piffissami ataatsikkut akuersissummik assigiimmik suussuseqartumik tunineqartunut, assigiipput.

Atugassarititaasut nalinginnaasut "Kalaallit Nunaanni aatsitassanik misissuinissamut aamma misissueqqaarnissamut akuersissutinut qinnuteqarnermi suleriaaseq aamma atugassarititaasut nalinginnaasut"-ni takuneqarsinnaapput. Atugassarititaasuni nalinginnaasuni ilaatigut akuersissummumut akiliutit akitsuutilu allassimapput, taakkualu ingerlatseqatigiiffiit akuersissummik tunineqarunik misissuinissamut pisussaaffigilissavaat, ingerlatassanik akuersissuteqarnermut il. il. atugassarititaasut, suliaqarnerup aamma akuersissutip atorunnaarnerani pisussaaffiit, nalunaarusiortarneq, isertuussisussaaneq, najukkami oqartussaasunik ilisimatitsisarneq, sulisussat, pilersuinerit il.il., akuersissutip allanut tunniunneqartarnera, utertinneqartarnera, taarsiinissamut akisussaaffeqarneq aamma qularnaveeqqusiisarneq, akiliisussaaneq, isumaqatigiissitsiniartarneq il.il.

"Kalaallit Nunaanni aatsitassanik misissuinissamut aamma misissueqqaarnissamut akuersissutinut qinnuteqarnermi suleriaaseq aamma atugassarititaasut nalinginnaasut"-ni allassimavoq, Tunup avannaarsuani nunami suliffinnut angisoorujussuarnut "immikkut misissuinissamut akuersissummik" taaneqartartoq tunniunneqarsinnaasoq. Akuersissutinut taakkununga piffissami ukiunik pingasunik sivirususilimmi misissuinissamut pisussaaffiit pillugit atugassarititaasut immikkut ittut atuupput. Tamatuma saniatigut akuersissutini atugassarititaasut nalinginnaasut allat malinneqartussaapput. Taamaattoq § 37 naapertorlugu apeqqummi akuersissutit allattorsimasut arlaannaalluunniit "immikkut misissuinissamut akuersissummik" taaneqartartutut akuersissutaanngillat.

Aatsitassanut oqartussaasup ingerlatseqatigiiffiit qinnuteqartut qinnuteqaammum tunniunneqartumut naleqqiullugu amigaataasimasinnaasut pillugit attaveqatigisarpai.

Misissuinissamut akuersissummik tunniussinissaq pillugu ingerlatseqatigiiffinnik isumaqatiginninniarnernik ingerlasoqanngilaq, pissutigalugu qinnuteqarnermut suleriaatsimut atugassarititaasut aamma misissuinissamut akuersissutinut atugassarititaasut qinnuteqartunut tamanut nalinginnaasuummata assigiissaagaasut (takuuk matuma siuliani allassimasut).

Piffissap misissuinerup ingerlanerani aatsitassanut oqartussaasup ingerlatseqatigiiffiit ingerlaavartumik attaveqaqatigisarpai. Taamaattoq taakkua isumaqatiginninniarnertut iluseqanngillat, tassami tamanna ingerlatseqatigiiffiit akuersissut malillugu pisussaaffimminnut naammassinninersut qulakkeernissaanut malinnaanissamullu tunngassuteqarmat.

Ingerlatseqatigiiffiit asimi ingerlataminnik suliaqarnissamut kissaateqarpata, tamanna "Kalaallit Nunaanni aatsitassanut (ikummatissiassat pinnagit) tunngatillugu asimi suliaqarnermut aamma nalunaarusiortarnermut maleruagassat"-nut naapertuuttumik pissaaq. Aatsitassanut oqartussaasoq aamma oqartussaasut qinnuteqaatinik taamaattunik suliarinninnermut atatillugu ingerlatseqatigiiffiit annertuumik attaveqaqatigisarsinnaavaat, tamannalu taamatuttaaq ingerlateqatigiiffiit maleruagassanik nalinginnaasunik atuuttunik, akuersissummik atugassarititaasunik, aatsitassanut ikummatissanullu inatsimmik allanillu inatsisinik atuuttunik naammassinninnissaasa qulakkeerneqarnissaanik siunertaqarpoq. Aatsitassanut oqartussaasoq ingerlatanik akuersissuteqarnissamut atatillugu, taamaattunik akuersissuteqarnernut atugassarititaasussanik aalajangersaasinnaavoq, aamma atugassarititaasunik taamatut aalajangersaaneq isumaqatiginninniarnertut iluseqanngilaq.

Immikkut eqqarsaatigisassat tamanna pisariaqartippassuk atugassarititaasut allat, atugassarititaasunit nalinginnaasunit allaanerusut tunngavigalugit akuersissummik tunniussiniarlutik Naalakkersuisut aalajangersinnaapput. Misissuinissamut akuersissummik 2010/02-imut tunngatillugu akuersissummik tapiliussamik, pisinnaatitsissummik pigisaqartoq tamatuma kingorna piiaanissamut pisinnaatitaaffeqarani pinngoqqaatinik qingornernik ulorianartunik akulinnik misissuisinnaasoq, aalajangersakkanik, kiisalu piiaanissamut akuersissummik tunniussisoqassappat Naalakkersuisut atugassarititaasussanik, ilanngullugu royalty-mik akiliisarnissaq pillugu atugassarititaasut, erseqqinnerusumik aalajangersaasinnaasut pillugu aalajangersakkanik imaqartumik tunniussinissamik Naalakkersuisut aalajangerput. Tamanna pillugu oqaloqatigiinnerit 2011-imi ukiaanerani ingerlanneqarput.

"Kalaallit Nunaanni aatsitassanik misissuinissamut aamma misissueqqaarnissamut akuersissutinut qinnuteqarnermi suleriaaseq aamma atugassarititaasut nalinginnaasut"-ni § 14-imi, misissuinermit piiaanermut ikaarsaartarnermut tunngatillugu aalajangersakkanik allassimasoqarpoq. Taakkua ilaatigut imminut akilersinnaassutsimik misissuinerneq aamma avatangiisinut sunniutaasussanik nalilersuinerneq (VVM) suliaqartarnermut tunngassuteqarput.

Suliassap ingerlanerani immikkoortumi tassani ingerlatseqatigiiffinnik ataasiakkaanik oqaloqatiginninnerit immikkuullarinnerulertarput, pissutigalugu suliassat ataasiakkaat immikkuullarissusaat ersarinnerulersimasarmata. Assersuutigalugu oqartussaasut ilisimatusarnikkut, uumassusilerinikkut siunnersortiminnit DCE-mit aamma Pinngortitaleriffimmit immersorneqarlutik, ingerlatseqatigiiffiup VVM-imik aatsitassanut

oqartussaasup tamanut ammasumik tusarniaassutigalugu nassiunneqarsinnaasut akuerisinnaasaanik suliaqarsinnaanissaminut avatangiisini tunngaviussatut misissuinerit suut suliarisinnaassaneraat oqaloqatigiissutigisarpai. Taamatutaaq assersuutigalugu ingerlatseqatigiiffiup inuiaqatigiinni piujuartussamik iluaqutaasumik sunniutaasussanik nalilersuinerimik (VSB), tamatuma kingorna tusarniaassutigineqarsinnaasussamik, naapertuuttumik suliaqarsinnaanissaanut misissuinerit suut suliarineqassanersut, oqaloqatigiinnerit ingerlanneqartarput.

Piiaanissamut akuersissummik qinnuteqarnermut atatillugu, piiaanissamut akuersissut atugassarititaasut nalinginnaasut/akuersissummut atugassarititaasunut ilusiliaq aallaavigalugu isumaqatiginninniutigineqartarpoq.

Aatsitassanut oqartussaasup qinnuteqaat tamakkiisoq, VVM-imut aamma VSB-mut nassuiaat ilanngullugu, tigoreerpagu najoqqutassat tusarniaassutigineqarlutik nassiunneqartarput, taamatullu oqartussaasut qinnuteqarnermi najoqqutassat misissorlugit aallartittarput, suleqataasunit avataaneersunit ikiorneqarsinnaasarlutik.

Piffissami matumani piiaanissamut akuersissutinik qinnuteqaatit pingasut tiguneqarput, aammalu Aatsitassanut ikummatissanullu inatsimmi § 16 naapertorlugu piiaanissamut akuersissutit marluk tunniunneqarput, London Mining Greenland A/S-imut aamma True North Gems Greenland A/S-imut, Tanbreez Mining Greenland A/S-imit qinnuteqaat sulii suliarineqarluni.

Qinnuteqaat Aatsitassanut ikummatissanullu inatsimmi piumasaqaatinik naammassinninngippat, Aatsitassanut oqartussaasup qinnuteqaammik nutaamik nassiussisoqassasoq piumasarisinnaavaa. Matuma kinguliani allassimavoq Aatsitassanut oqartussaasup qanga pisortatigoortumik piiaanissamut akuersissummik qinnuteqaatit tigusimanerai.

London Mining Greenland A/S Aatsitassanut ikummatissanullu inatsimmi § 16 malillugu ulloq 7. august 2012 piiaanissamut akuersissummik qinnuteqaammik aammalu aatsitassanut ikummatissanullu inatsimmi §§ 19 aamma 43 malillugit piiaanissamut matusinissamullu pilersaarutit akuersissuteqarfigineqarnissaannik qinnuteqaammik ulloq 31. oktober 2012 nassiussivoq. Qinnuteqaat tamanut ammasumik tusarniaassutigineqarluni nassiunneqarpoq. Tusarniaanerup ingerlareernerata kingorna ingerlatseqatigiiffimmut isumaqatiginninniarnert aallartinneqarput. Isumaqatiginninniarnert taakkua Inatsisartunut qinersinissap nalunaarutigineqarneranut atatillugu unitsinneqarput. Nutaamik naalakkersuisunngortitserernerup kingorna isumaqatiginninniarnert aallarteqqinneqarput. Piiaanissamut akuersissut ulloq 24. oktober 2013 atsiorneqarpoq.

True North Gems Greenland A/S ulloq 13. maj 2013 aatsitassanut ikummatissanullu inatsimmi § 16 malillugu piiaanissamut akuersissummik ataatsimoortumik aamma aatsitassanut ikummatissanullu inatsimmi §§ 19 aamma 43 malillugit piiaanissamut matusinissamullu pilersaarutit akuersissuteqarfigineqarnissaannik qinnuteqaammik nassiussivoq. Tusarniaanerup ingerlareernerata kingorna ingerlatseqatigiiffimmut isumaqatiginninniarnert aallartinneqarput. Piiaanissamut akuersissut ulloq 3. marts 2014 atsiorneqarpoq.

Tanbreez Mining Greenland A/S ulloq 4. september 2013 Aatsitassanut ikummatissanullu inatsimmi § 16 malillugu piaanissamut akuersissummik inaarutaasumik qinnuteqaammik aamma aatsitassanut ikummatissanullu inatsimmi §§ 19 aamma 43 malillugit piaanissamut matusinissanullu pilersaarutit akuersissuteqarfigineqarnissaannik qinnuteqaammik nassiussivoq. Tusarniaanerup ingerlareernerata kingorna ingerlatseqatigiiffimmut isumaqatiginninniarnert aallartinneqarput. Maannakkorpiaq piaanissamut akuersissut isumaqatiginniniutigineqarpoq.

Tusarniaaneremut piffissaliussap naanissaata tungaanut, piffissami tassani Aatsitassanut oqartussaasup najoqqutassanik tiguneqartunik misissuinerani, amerlanertigut qinnuteqaammut tiguneqartumut naleqqiullugu paasissutissanik ilassutaasussanik pisariaqartitsisoqartartussaavoq.

Piaanissamut akuersissummumut tunngatillugu akuersissummumut atugassarititaasussat aamma IBA-mut isumaqatigiissut pillugit isumaqatiginninniarnert tusarniaaneremut piffissap naareernerata kingorna aallartinneqartarput.

3) Aluminiumimik aatsitsiviliortoqarsinnaanera pillugu Namminersorlutik Oqartussat aamma ALCOA qanga isumaqatiginninnialerpat?

Akissut:

Alcoa-mut isumaqatiginninniarneq 2005-imi aallartippoq. Ulloq 25. august 2007 Alcoa-p aamma Naalakkersuisut akornanni Memorandum of Understanding atsiogatigiissutigineqarpoq. Memorandum of Understanding tassaavoq Alcoa-p aamma Naalakkersuisut akornanni isumaqatiginninniarnerni sinaakkusiussaq.

2012-imi ataatsimiinnerpassuit tulleriissaartut ingerlaneranni Alcoa-mut isumaqatiginninniarnert tulleriissaartut ingerlanneqarput. Isumaqatiginninniarnert inernerisaattut sammisassat apeqqutillu arlallit, isumaqatiginninniarnert ingerlaqqinnissaannut paasiniarneqartussat, paasinarsisinneqarput. Siunertamut tassunga aalajangiiffisassatut siunnersuut Inatsisartunut saqqummiunneqarpoq, tassani Alcoa-p aamma Naalakkersuisut akornanni isumaqatiginninniarnert ingerlaqqinnissaannut pingaarnertigut tunngaviusussaata isummerfigineqarlutik. Tamatumunnga maannamuugallartoq naggasiutigalugu 2013-p naalernerani suliniutinut angisuunut inatsit inaarutaasumik akuersissuteqarfigineqarpoq. Atugassarititaasussanut killissaliussassanik paasinarsisitsinissamut immikkoortoq amigaatigineqartoq kingulleq tassaavoq suliniutinut angisuunut inatsimmut malittaasumik, naalagaaffimmi nunanit allamiunut inatsisip Kalaallit Nunaannut atuuttup naleqqussarneqarnissaa.

4) Aluminiumimik aatsitsiviliortoqarsinnaanera pillugu isumaqatiginninniarnert killiffiat qanoq inissimava?

Akissut:

Memorandum of Understanding immikkoortunut pingasunut agguagaavoq. Immikkoortut ataasiakkaat tamarmik naaneranni suliassaq ingerlaqqissanersoq imaluunniit

ingerlaqqissannginnersoq aalajangiisoqartassaaq. Isumaqatiginninniarnernut killiffik tassaavoq, illuatungeriit immikkoortoq II-imik naammassinnittussanngornerat.


Immikkoortoq II-p amigaatigai teknikkikkut misissueqqinnerit arlallit, misissuinerit avatangiisinut attuumassutillit kiisalu VVM-ilerinerup pilersaarusiorneqarnissaata aallarnisarneqarnissaa. Immikkoortoq II-p naammassineqarnera isumaqassaaq misissueqqaarnerit pisariaqartut imatut naammassineqarsimassasut suliap immikkoortumut III-imut ikaarsaarsinnaalernissaa killiffiqineqassalluni, tassa imaappoq suliap piviusunngortinneqarnissaanut alloriarnerit tigussaanagerusut suliniutip piviusunngortinneqarnissaanut siunertallit aallartinneqassasut. Immikkoortoq II-miit immikkoortoq III-imut ikaarsaariarnermi illuatungeriit aaliangissapput suliniut immikkoortoq III-mut ingerlateqqinneqassanersoq imaluunniit suliniut unitsinneqassanersoq.

Immikkoortoq III-mut ikaarsaarnissaq siunertaralugu immikkoortoq II-p naammassimeqarmissaanut utaqqineqarput Inatsisartut 2014-imi upernaakkut ataatsimiinneranni nunanit allamiut pillugit inatsimmut aallannguutissatut siunnersuut suliniutinut angisuunut attuumassuteqartoq erngullu nukinganut inatsisip allanngortinneqarnissaanut siunnersuut. Tassa imaappoq Kalaallit Nunaata pingaarnertigut immikkoortoq II-p naammassinissaanut suliassani naammassisimagai, eqqaassanngikkaanni qulaani eqqaaneqartutut nunanit allamiut pillugit inatsimmi erngullu nukinganut inatsimmi naleqqusaanerit.

Inuussutissarsionermut, Aatsitassanut Suliffeqarnermullu Naalackersuisoqarfik ingerlaavartumik Alcoa-mut attaveqartarsimavoq suliap ingerlaqqinnissaa pillugu, Alcoa-millu ataatsimeeqateqarnissaq tulliuuttoq majip naannginnerani pissasoq naatsorsuutigineqarpoq.

Naalackersuisut pingaartilluinnarpaat immikkoortoq II-p naammassineqarnissaanut killinnissaq. Naalackersuisut siunertaraat annerpaamik qaammatit 12-it ingerlaneranni immikkoortoq II pillugu nalornissutiteqarunnaarsimanissaq.

Inussiarnersumik inuulluagqusiilunga



Jens-Erik Kirkegaard